

Í-keng Tiàu-óan ê Hêng-iáⁿ

Hoanya KC

Chá-sî-á Pîn-tong ê jit-thâu jóah kah chhin-chhiūⁿ teh âⁿ hóe-lô, jiát hōng-hōng. Góa chhêng 1 niá khóng-sek ê se-bí-löh, o-sek ê tîng-khò. He sî góa cha-àm thiau-kang kéng..ê, mā m̄-chai ū hâh hong-siök--bô. Chit 2 jit-á khang-khòe khah chē, cha-mê bô êng kâu beh óa 11 tiám khah kâu chhù. Chē-löh phòng-í, tê chiah phâu-hó, sûi-sî chiap tiôh chhô-tiong ê giô..ê Kong..a ê tiän-oe, kóng Lâu-su í-keng khì--ah. Góa chit-sî gōng-ngiâh, hóan-èng bê kòe--lái, chin kú khah in i chit kù, "1 kò góeh chêng, m̄-sî koh khòaⁿ i hó-hó?". Hit-sî ū 1 ê tø-háp, 4, 5 ê tông-óh sio-chio, chhôa bór-kiáⁿ tàu-tîn tî Pîn-tong ê pñg-tiâm chò-hóe kap lâu-su chiâh-pñg. Kong..a kâ góa kau-tài chit kóa tâi-chì, kóng chiah òaⁿ khah chai, tâi-ke lóng tî gôa-tê teh thó-thàn, bê hù tñg--lái, beh thok góa thè hit tîn chhô-tiong ê òaⁿ-thiap..ê pau pêh-pau khì kâ lâu-su liam-hiuⁿ, koh hoan-hù kóng tiôh ài pau-khia chiah ë èng--tit. Góa kui mêm lâng sîn-sîn, khùn bê löh bîn.

Chhia sai kâu ūi, tûi tða-lô téng khòaⁿ tiôh hâng-á lâi tah 1 ê pêⁿ-á, í-keng ū chit kóa lâng ūi-lûi tî hia. Tða-lô téng sêh kúi-nâ lìn, chhôe bô chhia-üi thang pha-chhia, oat-jip-khì keh-piah bih-sih ê hâng-á lâi kâ chhia chhah hõ hó-sè. Chit tah tî chhô-tiong hák-hâu âu-piah, sî sè-hàn chiáp mo-hui ê só-châi, hâng-á-lô oan-oan khiau-khiau, 2 pêng chôan sî iân-phiáⁿ tah ê thih-chhù. Lô-thâu bô sèk ê lâng kiám-chhái kui-po mā lóng bê chhut--lái. Góa ū kúi 10 nî bô koh jip lâi chia--lah. Chá-chêng ê kì-tî iû-gôan chheng-chheng chhó-chhó. Bô jôa kú chiú oat kâu Lâu-su in tau.

Cha-hng tú-á chiah tah hó ê pêⁿ-á, pho kui-ê ñg-sek kiok-hoe, tional-ng ū 1 ê Chû-chè Chèng-giâm sàng ê pián-á, téng-bîn èng Hán-jî siá "Pút Kiàn Kong Hôa (佛見光華)". Lâu-su ê jîn-siöng kôan-kôan khòa tî téng-bîn. Bî-bî-á chhiò ê hêng-siöng kap 20 tang chêng chò góan pan tð-su ê sî, bô sîm-mih 2 iûⁿ, iû-koh sî hit khóan hõ lâng sa bô i teh siûⁿ siáⁿ ê thâu-bîn. Û beh óa kui-pah lâng khaï tî hâng-á--nih teh tân-thâi kò-piât-sek ê khai-sí. Góa chit kâu ūi khòaⁿ hiah ché chheⁿ-hün-lâng, tiôh sî-kè chín khòaⁿ ū sek-sâi ê--bô. To-sò lâng khòaⁿ--khí--lái sî Lâu-su ê tông-sû. Pâi tî bôe--á ū 1 kûn siâu-liân-lâng, khah bô 50 ê, liát chòe 2 pâi chin chéng-chê, èng-kai s i Lâu-su chit-má teh chò tð-su hit pan chhô-tiong-seng. Chiòng-lâng bîn iu-ju, lóng chhêng àm-sek ê T-shirt, chhiú-ñg pín 1 tè môa-se, chin kám-sim teh kâ Lâu-su tòa-hâ. Lâu-su kâu 1 nî chêng in-üi sin-thé koh-iûⁿ sin-chhéng thè-hiu chìn-chêng, lóng iáu-kú teh chò tð-su, chò chêng-chhiam teh khan-kâ hák-seng. Kap i kâng chu-chhim ê lâu-su m̄-sî thè liáu-liáu, bô chá tiôh seng-koâⁿ chò hâu-tiûⁿ chû-jîm--ah. Bô lâng chhiúⁿ i í-keng 60--ah, koh giám-ñgê kian-chhî chhin-sin chòe-iûⁿ, chiàu-kò ín-chhôa hák-seng.

Lêng-tîng lâi lâng ché kah bóan-bóan. Siöng lâi-té ū Lâu-su ê hâu-lâm, hâu-lú, tî kám-thâu, chhêng môa-á-saⁿ, bák-khø áng-âng, bák-sái khòa tî bák-kîⁿ. 2 pêng-bîn ū kok-kài sàng--lái ê bóan-liân. Kâu taⁿ koh bô hoat-tð siong-sìn, Lâu-su í-keng lî-khui lán ê sè-kài! Chêng chit châm-á sui-bóng khòaⁿ--khí--lái ū sió-khóan siân-siân, m̄-kú kóng-oe iû-gôan chin ū giánkhì, sim-chêng iáu-kú kâng-khóan an-lòk. Mñg i kóng pêⁿ-chêng án-chóâⁿ, i èng siâng 1 iûⁿ ê chhiò-iông kâ góa kóng, i ê thé-lát, cheng-sîn lóng chin-hó, bô hoan bô ló. Tùi kû-nî khai-sí, i tiôh tî tða-pêⁿ-iⁿ teh chiap-siû hòa-hák tî-liâu kap tiän-liâu. Chhut-chhut-jip-jip pêⁿ-iⁿ iâ ū kúi-nâ pái. Ták-pái tòa-iⁿ ê sî, lóng è lâi kâ góa âi-sah-chuh.

Sì-kè siòng chin kú, khì chín tiôh Sún-koâⁿ. Chit ê tông-óh sit-châi hõ lâng bô hoat-tð khòaⁿ siám--khì. Chhô-tiong sî-á to sè-liáp-chí, bô siûⁿ kâu ko-tiong í-âu, chit ê chhiú tiòng kôan ná tek-ko, lò-kha koh sán-thiu. I òan-thàn thiⁿ-kong bô kong-pêⁿ, 1 sì lâng kâu-iók hák-seng m̄ bat thêng-hioh ê Lâu-su ê chiah-nih kín tiôh khì--ah. I kóng i chit-má ka-kî teh chò lâu-su, chhiâng-châi thê-chhéⁿ ka-kî ài ôh Lâu-su hit khóan iát-lék, bê-sái ū chít-bák-nih ê nôa-léh.

Chhô-tiong ê sî, khì hõ lâng pun tî "Kok-gák-pan", pan--nih ū chit pòaⁿ cha-bó tông-óh. Tng teh tñg-tða-lâng, tûi cha-bó chin ū chhù-bî. M-kú sió-hák tûi 3 nî khai-sí tiôh lóng sî chôan thûi-á ê cha-pø pan, m̄ chai beh án-chóâⁿ kap cha-bó gín-á tàu-tîn, sim-lâi kám-kak in sî chiok kî-kòai ê tông-büt. Lêng-gôa 1 hong-bîn, cha-pø kap cha-bó tional-kan hit-chióng chih-chàn bê-tiâu ê bê-hék koh hõ lâng sim-koâⁿ-thâu chiûⁿ-iah-iah. Chit khóan mâu-tún ê sim-chêng, hõ 15-hòe sò-

sèng ê góá pháiⁿ-sè tíng siūⁿ-khì. Put-sî kap cha-bó tōng-óh oan-ke, kóng in ài khàu ài sai-nai, gâu lé gâu phiⁿ-kàm..lâng. Ū 1 pái kìm bē tiâu, tī chiòng-lâng ê bīn-chêng kā in chhoh kah háu. Ū lâng khì pò-bé-á. Keh-jit tú kàu hâu, chheh-pau iáu bē khàng hó-sè, tiôh hō Lāu-su hiàm khì kàu-sek thâu-chêng. Phit! Phiák! Chiàⁿ-bīn pa, tò-bīn siàñ. Hiông-hiông 2 ē lâi, chha chit sut-á khaí bē tiâu. Tng-sî kiông beh kap i piâⁿ, m̄-bat án-ne hō lâng lêng-jiòk--kòe.

Bóe-chhiú Lāu-su kā góá kóng hit 2 ê sī ūi-tiôh góá hó, koh kóng ãu hák-kî beh hōg góá chò pan-tiúⁿ. Mā m̄-chai án-chóáⁿ-iūⁿ, tûi hit-tiáp khí, góá chông ná chhin-chhiúⁿ piàñ 1 ê lâng kāng-khóan. Kòe-khì hòng-tōng bô tiāⁿ-tiôh ê chhit-thô kiáⁿ, chóan-tíng chò kut-lât, hiòng-siōng ê gín-á. Pún-té hō pē-bú hōan-ló, hák-hâu lāu-su chhau-sim, sêng-chek àu-kô-kô, sòa chit-ē-chhiú peh chhiúⁿ hák-hâu ê "bêng-lü-póng", góeh-góeh nî-nî lóng sî "chu-iu-seng". Lêng-góá iā khai-sí ê-hiáu khì sioh pan--nih ê cha-bó tōng-óh, iā tit-tiôh in ê góan-liöng, siū-tiôh in ê tûi-tiöng.

Lāu-su put-sî tiôh êng góá chò iūⁿ, kā pan--nih ê lâng kâ-sî, kóng góá ták-jit àm-mê thák-chheh kàu 1,2 tiám bô thêng-khùn, kóng góá tûi pháiⁿ-kiáⁿ piàñ-chò thong-lâng o-ló, kóng góá ê-hiáu kap lâng kau-pôe, ū chò thâu-lâng ê pân-sè. Ū-sî hō i kóng kah put-chí-á pháiⁿ-sè. Sim-lí hák-chiá kóng liáu chin khak-sít, lâng chin-chiàⁿ ê po--tit, ū po ū chìn-pō, jú po jú phah-piàⁿ, chiú án-ne góá tek-khak sün-lí tî jîn-seng ê lō-thêng. Áu--lâi góá ê-sái ū tâm-póh-á tâi-chì chò ê hó-sè, tiôh ài kám-siā Lāu-su ê khan-kâ.

Su-hōe it-tít teh hoah-siaⁿ, hō-hiàm kok-jîn chiâu i ê tan-üi jip khì lêng-tâng lâi-té chè-pâi. Góá-bīn ê lâng chū-tōng pâi-liát chò kui-pâi. Góá kap Sún-koáⁿ bô khòaⁿ-tiôh pát ê tōng-óh, iā bô thiaⁿ-tiôh teh kiò hák-seng tâi-piáu, chí-hó tòe Chho-tiong pō ê lāu-su chò-hóe jip--khì. Chho-tiong pit-giáp chêng kúi tang bô êng teh thák-chheh, hák-giáp ôan-sêng í-âu jip-khì siâ-hōe kap lâng pôaⁿ-nóa, mî-nôa tî kò-jîn sió-siô ê sô-giáp lî-ek lâi-bîn, iā bô-thang khì chhōe Lāu-su. Tâⁿ tî-teh kòe "Khong-kiáⁿ-chiat"(ták-nî ê 9 góeh 28) chiah kâ i kiâ 1 tiuⁿ khah-phîⁿ. Ták-pái tóng-khì kò-hiong chìn-chêng lóng ê siúⁿ kóng it-têng ài khì khòaⁿ..i, m̄-kú chia chhòng, hia kóáⁿ iáu-sî bô hoat-tô khì kâ khòaⁿ.

Lāu-su kâ Eng-bûn ê chiau-pâi: "Tóng-chhû chia ING pián chhñg chín-sîn-sú (動詞加 ing 變進行式)" put-sî tî náu lâi-té teh sêh. Lāu-su sâng..góá hit pún Gû-tin Eng-Eng Sû-tián sui-bóng hōg góá hian kah phòa-kô-kô, iáu-kú kâ i sioh-miâ-miâ, m̄-kam pàng hiat-kâk. Lāu-su tî hit ê Eng-gí Kâu-hák koh thêng-liû tiàm "Lâi chiáu COME, chhí chiáu GO (來叫 COME, 去叫 GO) " ê sî-tâi, ê-hiáu kâ hák-seng êng Eng-gí lâi óh Eng-gí sî siong-tong sian-chìn ê chò-hoat. Hit-chûn péng sô-tián sî 1 hâng tōa tâi-chì, beh chhâ-khó 1 ê Eng-gí sù, khòaⁿ bô i ê-bîn ê kái-soeh, tiôh koh péng lêng-góá 1 iáh chiah bat hit-ê i-sù. Ū-sî péng kúi-nâ iáh, iû-góan m̄-chai góan-pún hit-ê sù. Chin liáu kang, m̄-kú tûi chit khóan hùn-liân sòa hōg óa-pôe-ióng chhut êng Eng-gí su-khó ê lêng-lék. Bóe-chhiú góá koh ū ki-hōe liân-síp pát-khóan gí-giân, koh-lâi khai-sí jîn-bat ka-kî ê bô-gí, lóng bô êng hoan-ék ê hoat-tô óh. Chin-chiàⁿ sî ū 1 ê hó lâu-su, iâⁿ kòe thák 10 tang chheh.

Thiaⁿ Sún-koáⁿ teh kóng, chìn-chêng 1 jit khì thàm lâu-su in tau, kóng i beh khì ê hit-kúi-jít, chhù--nih ê lâng bô hoat-kiàñ sím-mih koh-iūⁿ, iû-góan ū kóng ū chhiò. Hit-jit ê-pô, sé sin-khu liáu-âu, ché tî phòng-í teh khòaⁿ tiân-sî. Ū chit-táu-kú ê sî-kan lóng bô chhut-siaⁿ. Chhù--nih ê lâng óa-kîn kâ khoàⁿ, í-kêng bô khùi kòe-sin--ah. Khòaⁿ i ê bîn-ióng bô liú-kiok, kha-chhiú bô khiú-lák, chin péng-an lâi piát-sè. Lâu-su hì-gâm hit-jiah, siong-tong óa-kîn sim-chõng, kiám ê-sî chò ché pái ê tiân-liáu chông khì hâi tiôh sim-chõng, hiông-hiông tî hit-jit lâi tiâⁿ--khì? Lâu-su 1 sî-lâng khan-kâ hák-seng ū mî-kak, chín pún-hûn kâu-kék, ê-sái kóng sî ū tam-tng ê lâng. Án-ne bô thòng bô khó, bô hôan bô ló lâi óng-seng, sng-sî lán chiah-ê sî-sè ê tōa an-ùi. I khì-kâu Thian-kok tiâⁿ-tiôh ê-siú Thiⁿ-pê ê thiâⁿ-thàng.

"Ngáu, ngáu, ngáu" m̄-chai kám-sî hō hiän-tiûⁿ ê sng-im, hâ-gák kiáu-chhá--tiôh, lâu-su chhî ê kúi-chiah kun-ióng-káu sòa hiông-hiông chhut-siaⁿ pûi. Lâu-su kék ài chhî kâu-á. Tûi kúi 10 tang chêng góá koh teh thák chho-tiong ê sî, i tiôh put-sî khaí o-tó-bái, khan 2 chiah pun-nâng-káu (tiôh-sî kun-ióng-káu, góan chit kak-sì lóng kiò-chò pun-nâng-káu, liâh-chò kò pîn-nâng-chhiú..ê). Ū-sî Eng-gí-khò kóng kah chit poàⁿ, i tiôh kóng-khí chióng-chióng chhî kâu ê tâi-chì. Kì-tit siöng kài chhim..ê sî i kóng kun-ióng-káu nâ teh pí-sài ê sî, péng-sím ê tiöng-tiám ài khòaⁿ lân-hút 2 liáp

ū chiâu-chhîng--bô. Ū ê káu seⁿ-liáu thé-thài chin ióng-béng, mô-sek chin kim-kút, m̄-koh ē-sin kiám 1 liap. Chit khóan káu hó khòaⁿ bô lō-ēng, bē seⁿ..ê khah chē, iā gâu seⁿ gâm. Hit-sî kám-kak hósíng, theh-lâi chò gī-niū, bóe--á thák khah chē chheh chiah chai hiah-ê káu m̄-sî chin chiàⁿ khiàm 1 liap, sî khiā-sìng lân-hút-á pún-té chhàng tiàm pak-tó lâi, tî beh chhut-sì hit sî tùi kái-piⁿ-kau liàn--chhut--lâi, lak-lóh tî lân-pha lâi-bîn. Ū..ê nā seⁿ-chiâⁿ bô sūn-sû, lâu-tî pak-tó--nih, khióng-kiaⁿ bē seⁿ-thòaⁿ, koh ē tùi hit liáp lân-hút-á tî pak-lâi seⁿ-chhut gâm--lâi. Koh ū kiàn-pái nā khì lâu-su in tau, lóng ē gán-tiôh mñg-pang hit-tè kim-pâi, téng-bîn òe 2 liáp káu-thâu khah hiong-ok Chhn Siok-pó kap Ùi Tî-kiong. Iáu bôe jip-mñg tiôh thiaⁿ-tiôh kúi-nâ chiah káu khòng-khòng püi, hiáng kah kiông beh kiáu-chhá tê-ki-chú, kiaⁿ-tōng thô-tê-kong.

I siàu-liân sî ū kóan-hùn kòe lô-môa, o-káu kap o-niau lóng ū chih-chiap, iā ū liän-kòe kha-chhiú. Chho-tiong pôr hiah-ê tōa-bóe chhit-thô hák-seng jiá sū kiáu-jiáu, lóng ài chhiáⁿ i chhut-bîn pôaⁿ-nóa. I tiâⁿ kóng nâ ū 1 ki ke-si-thâu-á, 1 chiah káu, 1 phìⁿ chhiûⁿ-piah, koh khah chē tùi-ték lâi ûi, beh phah, i iâ bô kiaⁿ. I ê eng-hiông khì-khài chhim-chhim lâi éng-hióng kâng phiau-phiat ê góa.

Beh chhut lêng-tñg ê sî, ôat-thâu koh gán-chit-ē Lâu-su. I ná chhin-chhiûⁿ bî-bî-á gîn góa, kài-sêng teh kóng, "góa chit-si-lâng ê chek-jîm í-keng soah, ē-sái thêng-hioh--ah. Koh lâi òaⁿ lí--lah. Lí ài khah bián-kióng--teh." Tî sái-chhia tñg-khì chhù ê lō-nih, lō-piⁿ ê iâ-chí-chhiû bân-pho tî bî-bî-á hong--nih. Aih! Chit-ê sè-kài koh kiám 1 ê koan-sim..góa, thiàⁿ-thàng..góa ê lâng--lah. Jîn-sè-kan kiâⁿ 1 chôa, chhim khai-sí iù-chíⁿ, ài lâng khan-kâ, tiàm sî-tôa ê ìm-ñg ē tióng-sêng. Nî kú góeh chhim, ka-kî ióng-chòng, lâu-hòe-lâng sòa hióh lóh hoe siâ. Bô tiuⁿ-tî ka-kî liâm-piⁿ chiâⁿ-chò sî-tôa--ah. Sim-lâi siàu-liäm thiàⁿ-sioh..góa ê kòe-óng-chiá, ū pah-hun ê kám-khài. Koh kiaⁿ-hiâⁿ ka-kî bô hit hō phín-liâu ē-tit-thang tí-tng thôan-thóng sòa-chiap ê tâng-tâⁿ. Khòaⁿ-tiôh sin-piⁿ sè-hàn gín-á teh hai-hai-chhiò, teh phiàng-phiàng-háu, iā kám-kak ka-kî khiâ--chhut--lâi chò chêng-chhiam ê sî í-keng kâu.

Siân-pái ê hêng-iáⁿ í-keng tiàu-óan, bâng in tì-ìm chiah-ê chhiⁿ-chhioh ê sî-sè, ē-sái pêng-pêng an-an sêng-tióng tōa-hàn, chiâⁿ-chò ē thun-lún, ū tam-tng ê Tâi-ôan-lâng.